

Universitätsbibliothek Paderborn

Ioannis S. R. E. Cardinalis Bona Opera Omnia

Tribus Tomis comprehensa

De Divina Psalmodia, Ejusque Causis, Mysteriis, Et Disciplinis, deque variis
Ritibus omnium Ecclesiarum in psallendis Divinis Officiis, Tractatus,
Historicvs, Symbolicvs, Asceticvs. Sive Psallentis Ecclesiae Harmonia -
Opus novum, & curiosum, ac multiplici eruditione illustratum ... Operum ...

Bona, Giovanni

Parisiis, 1678

§. 2. Sensem Religionis hominibus innatum Dei existentiam probare.
Divinae laudis initium ab Angelis, imò ab ipso Deo. Vnde sumi debeat
Ecclesiasticae Psalmodiae origo.

urn:nbn:de:hbz:466:1-9929

DE ANTIQUITATE ET EXCELLENTIA
tur exercentur , habent qui eis præsit , eaque perficiat ;
& solus mundus non habet qui eum administret ? Haec-
mus Chrysostomus . Extolle te igitur , atque erige spiritus
meus & virtute , qua à Deo mihi es inspiratus , ut ver-
bis utar (x) Marij Victorini Afri , agnosce Deum intel-
ligere difficile , non tamen desperatum ; nam ideo nosse
se voluit , ideo mundum , & opera sua divina consti-
tuit , ut eum per ista omnia cerneremus . Scire autem
quid sit Deus , hoc est vivere , hoc est esse . Quid est
enim homo , inquit (y) Bernardus , nisi quod tu ô Deus
innotuisti ei ? Itaque si notitia Dei causa est , ut homo
aliquid sit , ignorantia facit , ut nihil sit . Quare (z) Plato
maximum esse censet nostræ divinitatis indicium , quod
soli nos in terris tanquam sortis divinæ participes Deum
cognoscimus , & invocamus , cultuque religioso tan-
quam supremum Numen colimus , & veneramur .

§. II.

Sensem Religionis hominibus innatum Dei existen-
tiam probare . Divinæ laudis initium ab An-
gelis , imo ab ipso Deo . Vnde sumi debeat Eccle-
siastice Psalmodiæ origo .

I. Constat igitur viguisse semper divini cultus
Caliquid studium , quamvis barbaræ gentes
extra leges , moresque projectæ sacrilegis erroribus
religionis candorem depravarint . Est autem quidam
religionis sensus ita cunctis innatus , & in animo quasi
insculptus , ut ex eo sumpserit argumentum ad proban-
dam Dei existentiam (a) Sextus Empyricus Pyrrhonius :
Si non sunt Dii , inquit , nec religio quæ est scientia cul-
tus Deorum : eorum enim , quæ non sunt , cultus esse
nequit ; est autem religio , ergo sunt Dii . Quædam vero

(x) M. Victor . lib . 3 . adv . Atrium . (y) Bern . Epist . 18 . (z) Plato in Protagora .
(a) Sextus Empyricus lib . 8 . adv . Mathematicos .

naturalis

naturalis propensio ad religionem, ut (*b*) Themistius scribit, omnium hominum communis est, ratio tamen, & modus colendi Numinis pro cuiusq; libertate diversus. Quæ cum ita sint, tantam habent divinæ laudes antiquitatem, quantam habet religio. Religio autem humanæ menti ingenita virtus, cum primo parente nata, ab eodem in filios & nepotes diffusa est.

II. Verumtamen non ad solos homines spectat prima divinarum laudum exercitatio. Est aliud, quod eis debetur, sublimius initium à nobilioribus creaturis. Nam & super muros cœlestis Hierusalem constitutos custodes, qui non taceant die, ac nocte laudare nomen Domini (*e*) Isaías Propheta commemorat. Seraphicos item spiritus apud eundem (*d*) legimus alterna modulatione clamantes: *Sanctus, Sanctus, Sanctus Dominus Deus Sabaoth, Plena est omnis terra gloria ejus.* Quæ verba explicans (*e*) Chrysostomus, In cœlis, ait exercitus Angelorum Deum celebrant, in terris hominum chori easdem divinas laudes imitantur. In cœlis Seraphim hymnum ter sanctum exclamant, in terra hominum cœtus eundem modulantur. Cœstium verò, & terrenorum communis quædam Panegyris admirabili concentu constituitur, una gratiarum actio, unum gaudium, unus lætitiae chorus, atque concentus. Sed & ipse Dominus Angelorum, *Vbi eras, ait ad (f) Iob, quando ponebam fundamenta terræ? Indica mihi, si habes intelligentiam.* Cum me laudarent simul astra matutina, & jubilarent omnes filii Dei. Obstupuerunt videlicet Angeli sancti ipso rerum aspectu, cum pulchritudinem vidissent creaturarum: nam prima die divisa est lux à tenebris, Angelis scilicet boni à malis, ut (*g*) Hugo Victorinus docet. Quod enim agebatur in mundo sensibili, imago erat eorum quæ in mundo intelligibili agebantur. Existimat autem Hugo simul cum cœlo, & terra creatos fuisse

b Them. 12. ad Iovinian. Imp. *c* Isa. 62. 6. *d* Isa. 6. 3. *e* Chrysost. hom. de verbis Isaiae. *f* Iob. 38. 4. *g* Hugo lib. 1. de Sacramentis.

Angelos, & per illam moram, qua terra fuit inanis & vacua, usque ad lucis creationem, eos in via fuisse ad merendum, & demerendum. Tum creata luce qui fuerunt in gratia confirmati, quomodo putas iubilarunt? quam excelsis, & sonoris vocibus celebrarunt Deum! O si haberemus Hymnos illos, & digni essemus ore humano eos proferre, quam perfecta esset in ore nostro laus divina! Quarta vero die censet (*b*) Anastasius Synaita Angelos laudasse Deum, non solum propter creationem astrorum, sed etiam propter mysterium Incarnationis, quod in illis representabatur. Hymnis, inquit, Deum celebrarunt. Quamobrem? Quidam facta sunt astra? Non certe propterea; sed cum vidissent solem est terra recurrentem, in mysterio dicerunt Christi Incarnationem, & est terra assumptionem; & id est cum vidissent eum ex sancta Virgine tanquam ex abysso exortum, statim exclamarunt dicentes, Gloria in excelsis Deo. Optimè (*i*) Rupertus Abbas. De tenebris jubente Deo resplenduit lux, Angelica scilicet creatura, quando dixit Deus in principio, hoc est in Filio suo. Fiat lux, & facta est lux. Unde Angeli non ingrati incessanter laudant, confitentur, amant, adorant. Hujus eorum laudis, vel confessionis assiduitatem, & incessabilem intentionem mirificè (*k*) Psalmista his verbis exprimere contendit: *Confessionem & decorum induisti, amictus lumine sicut vestimento.* Magnificentius & dignitatem ejus qui laudatur, & eorum qui laudant instantiam, exprimere non potuit. Suo namque indumento jure quisque vestitur, quia non alterius, sed suum est, quod tunc illum non dedecet, si secundum habitudinem corporis ejus bene accommodatum est. Cum ergo dicit, Confessionem & decorum induisti, amplissime gratulatur, & optimè dicit dignum illum esse tantis confitentium Angelorum laudibus, & decere illum quicquid boni clamare possint, aut nō sint, eo quod ipsa substantiae, vel vocis eorum

b Anastaf. lib. 4. Hexam. *i* Rupert. in Gen. lib. 1. c. 12. *k* Psalm. 103.

organæ ille fecerit , & in circuitu excelsi solii sui in magno honore feliciter constituerit, vel ordinaverit. Sublato quoque , & terribiliter deturbato Sathanæ cum Angelis ejus , continuò profectum hunc sancti Angeli habuerunt, ut novam divinæ laudis habentes materiam novum inciperent canere canticum, sicut idem (*l*) Tuitiensis Abbas observat. Et in creatione mundi, teste (*m*) Basilio Seleuciæ Episcopo , spectaculi stupore correpti, ad singula quæ siebant iteratis faustis acclamationibus conditorem prosequabantur. Hæc sunt divinorum cantuum auspiciatissima natalia, hæc alternæ modulationis regalia prorsus ac dignissima incunabula.

III. Sed quid Angelos commemo-ro? Pudet ab illis divinæ laudis repetere antiquitatem, quæ ipsimet divinæ æternitati coexistit. Deus, Deus inquam, in augustissima illa solitudine , antequam quicquam ficeret à principio, se solo gloriofissimè beatus seipsum jugiter collaudabat. Omnem superat creatarum mentium intelligentiam dulcissima illa & consonantissima harmonia , qua se mutuò laudat in simplicissima unitate tres distinctæ personæ : Pater à nullo genitus, principium sine principio : Filius Verbum Patris, paternæ gloriæ splendor, omnium intelligibilium expressio : Spiritus Sanctus à Patre & Filio procedens, utriusque nexus , & amor , fons pacis, & bonitatis. Deus nimirum se digessit in Deum , ut ait sanctus (*n*) Zeno, & suo manente integro statu totum se Pater reciprocavit in Filium: atque alter in altero exultat cum Spiritus sancti plenitudine una originali coæternitate renitens. In patre totus Filius , & totus in Verbo Pater. Unus in altero est , numerum tamen sine numero omnes conservant : Pater Filio semper interior , semperq; manet exterior, ut loquitur (*o*) Hilarius, & excedens quicquid humano sensu concipi potest , ex se Filium genuit, non ex aliqua subjacente materia , quia per

l Rupert. lib. 1. de Victoria Verbi Dei cap. 30. *m* Basil. Seleuc. ora, in cap. 1. Gen. *n* Zeno sém. 1. de Genesi. *o* Hilari. lib. 3, de Trinit.

20 DE ANTIQUITATE ET EXCELLENTIA

Filiū omnia: non ex nihilo, quia ex eis Filiū: non ut partem sui, quia in ipso est omnis plenitudo divinitatis. Laudat autem Filiū Pater, quia Deus ex Deo est: laudat Patrem Filius, quia ipse est Verbum Patris, quo ille dicit omnia: laudat Spiritum sanctum Pater, laudat Filius, nam ex Patre Filioque procedens, utriusque amor & nexus est: laudat Spiritus sanctus Patrem & Filiū, quia cum Patre, & Filio in summa & incredibili regnat unitate. O musicam! ô concentum! ô laudes; ô supremi Seraphici spiritus! ô excellentissimæ creaturæ, velate alis faciem vestram, demittite pennas, & præ admiratione deficite ad tantam archetypę musicę suavitatem. Sordescit in ore proprio humana laus, quia, ut dicit (*p*) Plutarchus in eo libello, quo tractat qua quis ratione seipsum citra invidiam laudare possit; qui seipso laudant impudentes sunt, nam decebat eos pudor, etiamsi ab aliis laudarentur: sunt etiam inusti, quia sibi sumunt, quod tribui ab aliis debuit. At Deus, cum sit infinitus virtutis, ipse solus potest se dignè laudare, qui propriam solus immensitatem comprehendit. Audeo dicere cum (*q*) Augustino; Ut benè ab homine laudetur Deus, laudavit se ipse Deus. Et quia dignatus est laudare se, ideo invenit homo quemadmodum laudet, eum. Neque enim hoc potest dici Deo, quod dictum est homini, (*r*) Non te laudet ostium. Ut homo se laudet, arrogantia est: ut Deus se laudet, misericordia est. Novit prodeesse nobis, ut amemus eum, ideo laudando se amabilem se facit, ut nos amando, & laudando eum, meliores efficiamur. Deus itaque, inquit (*s*) Gregorius Magnus, qui nos prohibet, ne proprio ore laudemur, per Scripturam sacram laudes suas loquitur, ut valeamus eum audiētes cognoscere, cognoscentes amare, amantes sequi, sequentes adipisci, adipiscentes verò ejus visione perfici. Unde (*t*) Psalmista ait, *Virtutem operum*

p Plutarchus. *q* Aug. pref. in PG. 144. *r* Prov. 27. 2. *s* Greg. lib. 18, moral. c. 7. *t* Psalm. 110.

Suorum annūtiabit populo suo, ut det illis hæreditatem gētium.

IV. Laus ergo divina, si ad ipsummet Deum referatur, tunc incœpit cum non erat tempus, omnia transcendens tempora semper præsentis æternitatis eminentia. Non enim habet tempus æternitas, ait (*u*) Tertullianus, omne tempus ipsa est, quod facit pati non potest. Si vero ab Angelis ejus originem deducamus, fuit illa quidem cum jam tempus factum esset, initio enim corporalis creaturæ creatos illos fuisse probabilius (*x*) Theologorum sententia asseverat: sed sicut illi à duratione successiva illius temporis, quod numerus, & mensura motus dicitur esse, omnino exempti sunt; sic etiam eorum operationes nequaquam iis mutationibus sunt obnoxiae, quibus corporalis creatura subjecta est non volens. Ideo laudes quas Deo concinunt in novem choros distincti, nullam pati possunt vetustatis injuriam, nullum temporis detrimentum. Quid verò nobis commune cum Deo, cuius comparatione sic sumus, quasi non simus? Quid nostros Hymnos Angelicis assimilare præsumimus, quorum emulari felicitatem etsi volumus, non valemus? Ea igitur omissa laude, qua & Deus seipsum, & Angeli Deum glorificant, quam nec verbis exprimere, nec mente concipere possumus, è cœlestibus ad terrena descendendum est, quò ejus hymnodiæ describamus exordium, quam statis temporum horarumque spatiis in hoc miserrimo terreni incolatus exilio frequentamus. Inolevit autem (*y*) quorumdam mentibus nimis iniqua adversus Canonicas preces opinio; eas tertio, vel quarto sæculo post Christum natum cœpisse: sed, ut fateri oportet, eas, ut hodie in vsu sunt, non adeò antiquam, saltem aliqua ex parte, originem habuisse; ita perspicuum est ritum orandi aliquoties in die, cum ipsa religione, hominumque cœtibus inchoasse. Certa sunt

u Tertull. lib. 1. adv. Marcionem. *x* D. Thom. cum suis 1. p. qu. 61. art. 2.
& *y* Polydor. Virgilius li. 6. de invent. rerum c. 2. quem sequuntur. Sectarii.

22 DE ANTIQUITATE, ET EXCELENTIA
rerum omnium principia, certi progressus, & aetates.
Nihil simul natum, & polium est, rerumque exordia
exilia semper, & rudiora fuerunt; nec facile reperitur
in exordio maturitas, & in inchoatione perfectio. Aspice
Rhenum, inquit (z) Romanus sapiens, aspice Euphra-
tem, omnes denique inclitos amnes, quid sunt, si illos
illuc unde efflunt, estimes? Quicquid est, quo timen-
tur, quo nominantur, in processu paraverunt. Sic divina
Psalmodia obstetricante manu Domini cum primo om-
nium parente nata, in primo sui ortus rudimento rudit
& indigesta, tacitis sensim & ordinatis adolevit augmen-
tis.

§. III.

*Viguisse semper divini cultus studium à primis
Parentibus usque ad Christum. Testimonia infi-
delium de precibus, & hymnis primorum Chri-
stianorum.*

I. **V**arias laudes, & Hymnos, prout nascentis se-
culi simplicitas exigebat, divinae majestati, tan-
quam debitæ servitutis tributum, primos homines ceci-
nisse docet (a) Cyrillus Alexandrinus, qui cultum Dei
ab Adamo cœpisse scribit: idque etiam Paraphrastes
Chaldæus indicat, qui Psalmo nonagesimo primo hunc
titulum præfixit: Laus, & Canticum, quod dixit homo
primus in die Sabbati. (b) Moses quoque Bar-cepha do-
cet Psalmistam in persona Adæ verba ista protulisse, *Tu
formasti me, & posuisti super me manum tuam:* ita ut Sacer-
dotium acceperit, & munus Deo laudes ac preces so-
lemniter offerendi, quod per manuum impositionem
conferri solet. (c) Hugo item Victorinus; Credimus,
inquit, Deum docuisse Adam cultum divinum, quo
eius benevolentiam recuperaret, quam per peccatum
transgressionis amiserat, ipsumque docuisse filios suos.

(z) Seneca lib. i. de Benef. cap. 29. a Cy ill. lib. 3. in Julianum. b Moses de
paradiso p. i. c. 28. Psalm. 138. c Hugo in Gen.